



Općinski načelnik

SLUŽBENI GLASNIK

OPĆINE ZAVIDOVIĆI

Broj: 7. Datum: 29.07.2010.



I – AKTI OPĆINSKOG VIJEĆA

Na osnovu člana 2.12. stav 5. Izbornog zakona Bosne i Hercegovine („Službeni glasnik BiH“, broj 23/01; 07/02; 09/02; 20/02; 25/02; 04/04; 25/05; 77/05; 11/06; 24/06; 32/07; 33/08; 37/08 i 32/10) i člana 55. Statuta općine Zavidovići („Službeni glasnik općine Zavidovići“, broj 5/08 i 5a/08), Općinsko vijeće Zavidovići na 24.sjednici od 30.06.2010.godine, donijelo je

RJEŠENJE

o razrješenju predsjednika i člana Općinske izborne komisije

I

SINANOVIĆ SENAD, dipl.pravnik, razrješava se dužnosti predsjednika i člana Općinske izborne komisije Zavidovići, na lični zahtjev.

II

Rješenje stupa na snagu po dobijanju saglasnosti Centralne izborne komisije BiH.

III

Rješenje objaviti u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-05-3094/10
Datum: 30.06.2010.godine

(M.P.)

PREDSJEDAVAJUĆI
OPĆINSKOG VIJEĆA

ing. Radosav Petrović, s.r.

Na osnovu člana 2.12. stav 8. Izbornog zakona Bosne i Hercegovine („Službeni glasnik BiH“, broj 23/01; 07/02; 09/02; 20/02; 25/02; 04/04; 25/05; 77/05; 11/06; 24/06; 32/07; 33/08; 37/08 i 32/10) i člana 55. Statuta općine Zavidovići („Službeni glasnik općine Zavidovići“, broj 5/08 i 5a/08), Općinsko vijeće Zavidovići na 24.sjednici od 30.06.2010.godine, donijelo je

RJEŠENJE

o imenovanju predsjednika Općinske izborne komisije

I

MUHIĆ ŠEMSUDIN, dipl.pravnik, član Općinske izborne komisije Zavidovići, imenuje se za predsjednika Općinske izborne komisije Zavidovići.

II

Rješenje stupa na snagu po dobijanju saglasnosti Centralne izborne komisije BiH.

III

Rješenje objaviti u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-3332/10
Datum: 30.06.2010.godine

(M.P.)

ing. Radosav Petrović, s.r.

**BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO**

PREPIS

Broj: 01-07-1-258/10
Sarajevo, 15.07.2010.godine

Na osnovu člana 195. stav (1) Zakona o upravnom postupku („Službeni glasnik BiH“, broj 29/02; 12/04 i 88/07) i člana 2.12 stav (6) i (8) Izbornog zakona Bosne i Hercegovine («Službeni glasnik BiH», broj 23/01; 07/02; 09/02; 20/02; 25/02; 04/04; 20/04; 25/05; 52/05; 65/05; 77/05; 11/06; 24/06; 32/07; 33/08; 37/08 i 32/10), postupajući po zahtjevu Općinskog vijeća Zavidovići za davanje saglasnosti na akte o razrješenju člana i predsjednika, te imenovanju predsjednika Općinske izborne komisije Zavidovići iz reda članova, Centralna izborna komisija Bosne i Hercegovine je na 32.sjednici, održanoj 15.07.2010.godine, donijela

R J E Š E N J E

(1) Daje se saglasnost na Rješenje Općinskog vijeća Zavidovići o razrješenju člana i predsjednika Općinske izborne komisije Zavidovići broj 01-05-3094/10 od 30.06.2010.godine, kojim se na lični zahtjev, razrješava

- **Sinanović Senad**, član i predsjednik

(2) Daje se saglasnost na Rješenje Općinskog vijeća Zavidovići o imenovanju predsjednika Općinske izborne komisije Zavidovići broj 01-05-3332/10 od 30.06.2010.godine, kojom se za predsjednika Općinske izborne komisije Zavidovići iz reda članova imenuje:

- **Muhić Šemsudin**, predsjednik

O b r a z l o Ź e n j e

Općinsko vijeće Zavidovići je aktom broj 01/1-12-49-63/10 od 02.07.2010.godine od Centralne izborne komisije Bosne i Hercegovine zatražilo saglasnost na Rješenje broj 01-05-3094/10 od 30.06.2010.godine, kojim se Sinanović Senad, na lični zahtjev, razrješava dužnosti člana i predsjednika Općinske izborne komisije Zavidovići, te Rješenje broj 01-05-3332/10 od 30.06.2010.godine, kojom se Muhić Šemsudin imenuje za predsjednika Općinske izborne komisije Zavidovići iz reda članova.

S tim u vezi, Centralna izborna komisija Bosne i Hercegovine je, na osnovu člana 2.9 stav (1) tačka 17, a u vezi člana 2.12 stav (6) i (8) Izbornog zakona Bosne i Hercegovine, odlučila kao u dispozitivu ovog Rješenja.

Pravna pouka: Nezadovoljna strana ima pravo u roku od dva dana od dana prijema ovog Rješenja podnijeti žalbu Apelacionom odjelu Suda Bosne i Hercegovine preko Centralne izborne komisije Bosne i Hercegovine (član 6.9 stav (1) i (2) Izbornog zakona Bosne i Hercegovine).

PREDSJEDNICA

(M.P.)

Irena Hadžiabdić, s.r.

- 336 -

Na osnovu člana 2.15. stav (2). Izbornog zakona Bosne i Hercegovine („Službeni glasnik BiH“, broj 23/01; 07/02; 09/02; 20/02; 25/02; 04/04; 25/05; 77/05; 11/06; 24/06; 32/07; 33/08; 37/08 i 32/10) i člana 55. Statuta općine Zavidovići („Službeni glasnik općine Zavidovići“, broj 5/08 i 5a/08), Općinsko vijeće Zavidovići na 24.sjednici od 30.06.2010.godine, donijelo je

RJEŠENJE

o imenovanju zamjenskog člana
Općinske izborne komisije

I

PINJIĆ SAMIRA, dipl.pravnik, imenuje se za zamjenskog člana Općinske izborne komisije Zavidovići.

II

Mandat zamjenskog člana iz tačke I predmetnog rješenja traje od dana prestanka mandata člana Općinske izborne komisije Senada Sinanovića, dipl.pravnik, do izbora novog člana na osnovu javnog oglasa, u skladu sa Izbornim zakonom BiH.

III

Rješenje objaviti u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-05-3333/10
Datum: 30.06.2010.godine

(M.P.)

PREDSJEDAVAJUĆI
OPĆINSKOG VIJEĆA

ing. Radosav Petrović, s.r.

**BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO****PREPIS**Broj: 01-07-1-258-1/10
Sarajevo, 15.07.2010.godine

Na osnovu člana 195. stav (1) Zakona o upravnom postupku („Službeni glasnik BiH“, broj 29/02; 12/04 i 88/07) i člana 2.12 stav (6) i (8) Izbornog zakona Bosne i Hercegovine («Službeni glasnik BiH», broj 23/01; 07/02; 09/02; 20/02; 25/02; 04/04; 20/04; 25/05; 52/05; 65/05; 77/05; 11/06; 24/06; 32/07; 33/08; 37/08 i 32/10), postupajući po zahtjevu Općinskog vijeća Zavidovići za davanje saglasnosti za imenovanje zamjenskog člana Općinske izborne komisije Zavidovići, Centralna izborna komisija Bosne i Hercegovine je na 32.sjednici, održanoj 15.07.2010.godine, donijela

R J E Š E N J E

Daje se saglasnost na Rješenje Općinskog vijeća Zavidovići broj 01-05-3333/10 od 30.06.2010.godine, kojim se za zamjenskog člana Općinske izborne komisije Zavidovići do izbora novog člana po postupku propisanom članom 2.12 stav (5) Izbornog zakona Bosne i Hercegovine imenuje

- **Pinjić Samira**, zamjenski član

O b r a z l o ž e n j e

Općinsko vijeće Zavidovići je aktom broj 01/1-12-49-63/10 od 02.07.2010.godine od Centralne izborne komisije Bosne i Hercegovine zatražilo saglasnost na Rješenje broj 01-05-3333/10 od 30.06.2010.godine, kojim se Pinjić Samira imenuje za zamjenskog člana Općinske izborne komisije Zavidovići do izbora novog člana po postupku propisanom članom 2.12 stav (5) Izbornog zakona Bosne i Hercegovine.

Centralna izborna komisija Bosne i Hercegovine je u postupku davanja saglasnosti na imenovanje zamjenskog člana Općinske izborne komisije Zavidovići utvrdila da Pinjić Samira ispunjava sve uslove popisane odredbama Izbornog zakona Bosne i Hercegovine i Uputstvom o utvrđivanju kvalifikacija, broja i imenovanja članova izborne komisije osnovne izborne jedinice u Bosni i Hercegovini („Službeni glasnik BiH“, broj 9/10 i 37/10).

S tim u vezi, Centralna izborna komisija Bosne i Hercegovine je, na osnovu člana 2.9 stav (1) tačka 17, a u vezi člana 2.12 stav (5) i člana 2.15 stav (2) i (3) Izbornog zakona Bosne i Hercegovine, odlučila kao u dispozitivu ovog Rješenja.

Pravna pouka: Nezadovoljna strana ima pravo u roku od dva dana od dana prijema ovog Rješenja podnijeti žalbu Apelacionom odjelu Suda Bosne i Hercegovine preko Centralne izborne komisije Bosne i Hercegovine (član 6.9 stav (1) i (2) Izbornog zakona Bosne i Hercegovine).

PREDSJEDNICA

(M.P.)

Irena Hadžiabdić, s.r.

- 338 -

Na osnovu člana 32. Zakona o upravljanju i održavanju stambenih i stambeno-poslovnih zgrada ("Službene novine Zeničko-dobojskog kantona", broj 2/08) i člana 39. Statuta Općine Zavidovići („Službeni glasnik Općine Zavidovići“, broj 5/2008 i 5a/2008), na 25.sjednici Općinskog vijeća Zavidovići održanoj 28.07.2010.godine, donešena je

O D L U K A

o visini naknade za održavanje zajedničkih dijelova i uređaja zgrade

Član 1.

Utvrđuje se naknada za održavanje zajedničkih dijelova i uređaja zgrade u visini od 0,22 KM/m² za stambeni i 0,33 KM/m² za poslovni prostor, mjesečno.

Visina naknade koju plaća korisnik stanova i poslovnih prostora utvrđuje se množenjem visine naknade sa zvaničnom površinom stana, garaže ili poslovnog prostora korisnika.

Član 2.

Naknade iz člana 1. plaćaju svi etažni vlasnici ili korisnici stanova i poslovnih prostora u zgradama (nosioci stanarskog prava, podstanari i zakupci stanova i poslovnih prostora).

Naknada iz stava 1.ovog člana uplaćuje se do 15. u mjesecu za prošli mjesec na depozitni račun zgrade koji će se u tu svrhu otvoriti kod upravitelja zgrade.

Naknada iz prethodnog stava služi za pokriće troškova investicionog održavanja i poboljšanja zajedničkih dijelova i uređaja zgrade, redovnog održavanja i poboljšanja zajedničkih dijelova i uređaja zgrade, hitnih popravaka zajedničkih dijelova i uređaja zgrade, osiguranje zgrade kod osiguravajućeg društva, zamjene postojećih i ugradnje novih zajedničkih dijelova i uređaja zgrade, otplate zajma za finansiranje troškova održavanja i poboljšanja zajedničkih dijelova zgrade, protivpožarne zaštite i drugih troškova među koje spadaju i troškovi utuženja vlasnika koji ne plaćaju naknadu.

Ako se navedeni troškovi ne mogu pokriti iz redovno prikupljenih sredstava, ista će se osigurati dodatnim uplatama vlasnika na osnovu odluke Skupa etažnih vlasnika.

Član 3

Ova odluka stupa na snagu sa danom objavljivanja u „Službenom glasniku Općine Zavidovići“.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-23-2476/10

Datum: 28.07.2010.godine

(M.P.)

ing. Radosav Petrović, s.r.

- 339 -

Na osnovu člana 5. stav 3. i člana 16. stav 2. Zakona o prometu nepokretnosti («Službeni list SRBiH», broj 38/78, 4/89, 29/90 i 22/91 i «Službeni list RBiH», broj 12/92, 3/93, 13/94, 18/94 i 33/94) i člana 25. Statuta općine Zavidovići («Službeni glasnik općine Zavidovići», broj 5/08 i 5/a/08), Općinsko vijeće Zavidovići na 25.sjednici održanoj dana 28.07.2010.godine, donosi

ODLUKU

o kupovini zemljišta

Član 1.

Ovom odlukom daje se saglasnost Općini Zavidovići na promet – kupovinu nekretnine označene sa k.č. 26/14 zv. «Todina bara» livada 3. klase pov. 73 m², upisana u P.L. 44 K.O. Kamenica, posjed Ilić Milorada sin Nedeljka, sa dijelom 1/1.

Član 2.

Ovlašćuje se Općinski načelnik da u ime općine Zavidovići zaključi ugovor o kupovini nekretnina iz člana 1. ove odluke i to po cijeni od 12,00 KM/m², odnosno u ukupnom iznosu od 876,00 KM.

Član 3.

Ova odluka stupa na snagu osmog dana od dana objavljivanja u „Službenom glasniku općine Zavidovići.“

OPĆINA ZAVIDOVIĆI
-OPĆINSKO VIJEĆE-

Broj: 01-14-3585/10
Datum: 28.07.2010.godine

(M.P.)

PREDSJEDAVAJUĆI
OPĆINSKOG VIJEĆA

ing. Radosav Petrović, s.r.

- 340 -

Na osnovu člana 4. stav 1. i 2. Zakona o prometu nepokretnosti («Službeni list SRBiH», broj 38/78,4/89, 29/90 i 22/91 i «Službeni list RBiH», broj 21/92,3/93,13/94 i 18/94) i člana 25. Statuta Općine Zavidovići («Službeni glasnik općine Zavidovići», broj 5/08 i 5/a/08) Općinsko vijeće Zavidovići je na 25.sjednici održanoj dana 28.07.2010. godine, donijelo

O D L U K U

o ukidanju statusa nepokretnosti u općoj upotrebi

Član 1.

Utvrđuje se da je izgubilo status nepokretnosti u općoj upotrebi - status javnog puta, zemljište u državnoj svojini označeno sa:

- k.č. 2921 zv. «Polja» prilazni put pov. 12806 m², upisano u P.L. 114 k.o. Mustajbašići kao DRSV Javni i nekategorisani putevi, i to dio navedene parcele u površini od 150 m².

Član 2.

U roku od 15 dana od stupanja na snagu ove Odluke, izvršit će se provođenje tehničkih promjena cijepanja parcele i promjene kulture zemljišta u skladu sa članom 1. ove odluke, nakon čega će se na osnovu ove odluke u zemljišnim i drugim javnim knjigama, brisati raniji upis zemljišta iz člana 1. ove odluke kao nekretnine u općoj upotrebi i isto će se upisati u korist DRSV Općina Zavidovići.

Član 3.

Nakon upisa predmetnog zemljišta u korist Općine Zavidovići, isto se može davati na ime naknade za ekspropisano zemljište u skladu sa Zakonom o eksproprijaciji.

Član 4.

Sastavni dio ove odluke je skica snimanja lica mjesta.

Član 5.

Ova Odluka stupa na snagu osmog dana od dana objavljivanja u „Službenom glasniku općine Zavidovići“.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-31-3615/10
Datum: 28.07.2010.godine

(M.P.)


ing. Radosav Petrović, s.r.

Situacija terena

Približna razmjera 1:500

SLUŽBENI GLASNIK OPĆINE ZAVIDOVIĆI broj 7/2010

- 341 -



Na k.č. 2921 i k.č. 242/1 nalazi se javni put u vlasništvu općine.

Put koji se nalazi na izrezu:

Izgrađen objekat koji djelimično pada na k.č. 242/1 u posjedu Viković Idriza, a djelimično pada na k.č. 2921 koja je u posjedu DRSV - Javni put

Snimio dana 25.06.2010.
Izvršilac: Dževad Beganović

Na osnovu člana 55. Zakona o građevinskom zemljištu Federacije BiH «Službene novine Federacije BiH», broj 67/05) i člana 25. Statuta općine Zavidovići («Službeni glasnik općine Zavidovići», broj 5/08 i 5/a/08)) Općinsko vijeće Zavidovići na 25. sjednici održanoj 28.07. 2010. godine, donijelo je

O D L U K U

o ustanovljenju prava služnosti

Član 1.

Ustanovljava se pravo služnosti izgradnje drenažnog zida i ucjevljenja potoka na gradskom građevinskom zemljištu označenom sa k.č. 1497 zv. "14 April" oranica 6. klase pov.1603 m², upisana u P.L.232 k.o. Zavidovići kao DRSV Općina Zavidovići, sa dijelom 1/1.

Član 2.

Pravo služnosti iz člana 1. ove odluke ustanovljava se u korist Avdušinović Esada sin Semiza iz Zavidovića, Zlatnih ljljana bb, koji je vlasnik parcela označenih sa k.č.1496 i k.č. 1495/1 u k.o. Zavidovići, na kojoj ima izgrađenu porodičnu kući.

Član 3.

Pravo služnosti izgradnje drenažnog zida dužine 19,0 m i ucjevljenja potoka ustanovljava se na dijelu nekretnine bliže označene u članu 1. ove Odluke i to uz granicu sa parcelama označenim sa k.č. 1495/1 i k.č. 1496 k.o. Zavidovići u ukupnoj površini od 225 m², kako je to iskazano u Skici lica mjesta koja čini sastavni dio ove odluke.

Član 4.

Pravo služnosti iz člana 1. ove odluke opterećuje poslužnu nekretninu dok se ne ukaže potreba za planskim uređenjem prostora koji bi obuhvatio i predmetnu nekretninu.

Član 5.

Avdušinović Esad se obavezuje da prije izvođenja radova izgradnje drenažnog zida i ucjevljenja potoka pribavi odobrenje nadležnog organa.

Član 6.

Ova odluka stupa na snagu danom objavljivanja u "Službenom glasniku općine Zavidovići".

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-31-3616/10
Datum: 28.07.2010.godine

(M.P.)

ing. Radosav Petrović, s.r.

- 343 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-7987/10

Dana: 28.07.2010.godine

Općinsko vijeće Zavidovići na 25.sjednici održanoj dana 28.07.2010.godine, na osnovu člana 14. stav 4. Zakona o eksproprijaciji ("Službene novine Federacije BiH", broj: 70/07) i člana 25. Statuta općine Zavidovići ("Službeni glasnik općine Zavidovići", broj 5/08 i 5a/08), po prijedlogu za utvrđivanje javnog interesa, donosi

ODLUKU

I

Utvrđuje se da je od javnog interesa izgradnja autobuskih „stajališta za gradski saobraćaj označen sa „AS-2-3“, „AS-4“, „AS-6“, „AS-7“, „AS-10“, „AS-14“, „AS-1“, „AS-8“, „AS-13“ i „AS-15,16“ u ulici „Branilaca Gostović“, „Zlatnih ljiljana“ i „Krivajska“ na pravcu regionalnog puta R-465 Zavidovići-put-Žepče-Maglaj, te da se u tu svrhu može pristupiti potpunoj eksproprijaciji dijelova nekretnina označenih kako slijedi:

- k.č. 695/3 zv. „Radnička“ prilazni put pov. 1225 m², upisana u P.L. 233 k.o. Zavidovići, kao DRSV Komunalno preduzeće „Radnik“ Zavidovići, ul. H. Brkića 3, sa dijelom 1/1.
- k.č. 894 zv.„Bosnica“ pašnjak 3.klase pov.7964 m², k.č.893 zv.„Bosnica“ oranica 2.klase pov. 709 m², k.č. 902/2 zv. „Kulagina bara“ prilazni put 3258 m², upisana u P.L. 540 k.o. Donja Lovnica kao DRSV Željeznice ŽTP Sarajevo, Doboj, sa dijelom 1/1.
- k.č. 895/2 zv. „Kulagina bara“ privredna zgrada pov. 341 m², ekonomsko dvorište pov.1391 m², upisana u P.L. 967 k.o. Donja Lovnica, vl. „BN-STEP“ d.o.o. Zavidovići, sa dijelom 1/1.
- k.č.681/1 zv.„Radnička“ kuća i zgrada pov.910 m², ekonomsko dvorište pov.1616 m², upisana u P.L.2428 k.o. Zavidovići kao DRSV „Krivaja 1884“ d.o.o. Zavidovići, sa dijelom 1/1.
- k.č. 790/2 zv. „UL. Krivaja“ kuća i zgrada pov. 60 m², voćnjak 3. klase pov. 340 m², upisana u P.L. 1521 m² k.o. Zavidovići, vl. Vuković Ibrahima sin Asim iz Zavidovića, N.solidarnosti, sa dijelom 1/1.

II

Utvrđuje se da je Općina Zavidovići korisnik eksproprijacije zemljišta za izgradnju autobuskih „stajališta za gradski saobraćaj označen sa „AS-2-3“, „AS-4“, „AS-6“, „AS-7“, „AS-10“, „AS-14“, „AS-1“, „AS-8“, „AS-13“ i „AS-15,16“ za gradski saobraćaj u ulici „Branilaca Gostović“, „Zlatnih ljiljana“ i „Krivajska“ na pravcu regionalnog puta R-465 Zavidovići-put-Žepče-Maglaj rasvjete.

- 344 -

O b r a z l o ž e n j e

Pravni osnov:

Pravni osnov za donošenje ove odluke je član 14. stav.4. Zakona o eksproprijaciji koji glasi: «Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.» i član 4. istog zakona koji glasi: “Predmet eksproprijacije su nekretnine u vlasništvu fizičkih i pravnih lica“.

Razlozi donošenja:

Općinski pravobranilac Zavidovići u ime općine Zavidovići kao korisnika eksproprijacije, podnio je Općinskom vijeću Zavidovići, prijedlog za utvrđivanje javnog interesa za izgradnju autobuskih „stajališta za gradski saobraćaj označen sa „AS-2-3“, „AS-4“, „AS-6“, „AS-7“, „AS-10“, „AS-14“, „AS-1“, „AS-8“, „AS-13“ i „AS-15,16“ u ulici „Branilaca Gostović“, „Zlatnih ljiljana“ i „Krivajska“ na pravcu regionalnog puta R-465 Zavidovići-put-Žepče-Maglaj , te da se u tu svrhu može pristupiti potpunoj eksproprijaciji dijelova nekretnina bliže označenih u tački 1. ove odluke.

U prijedlogu je istaknuto da je izgradnja predmetnih gradskih autobuskih stajališta od posebnog privrednog i društvenog značaja za područje općine. Njihovom izgradnjom bit će omogućeno stvaranje boljih uslova u pogledu bezbjednosti saobraćaja i pješaka koji će koristiti gradski prevoz.

Da bi izgradnja bila moguća neophodno je predhodno riješiti imovinsko pravne odnose u odnosu na nekretnine koje su obuhvaćene projektom izgradnje , te time stvoriti preduslove za dobijanje potrebnih dozvola za nesmetano izvođenje planiranih radova.

Razmatrajući navedeni prijedlog , a imajući u vidu da će se izgradnjom predmetnih autobuskih stajališta omogućiti brži i sigurniji saobraćaj , veća sigurnost pješaka, a posebno djece-đaka, te da se radi o projektu koji je od velikog značaja za općinu Zavidovići, to je iz navedenih razloga ocijenjeno da je prijedlog za utvrđivanje javnog interesa opravdan.

Pouka o pravnom lijeku:

Protiv ove odluke može se pokrenuti upravni spor podnošenjem tužbe kod Kantonalnog suda u Zenici, u roku od 30 dana od dana dostavljanja odluke. Tužba se podnosi neposredno sudu.

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

- 345 -

Na osnovu člana 25. Statuta općine Zavidovići ("Službeni glasnik općine Zavidovići", broj 5/2008 i 5a/2008) i člana 11. stav 1. Odluke o preuzimanju osnivačkih prava i organizovanju Javne ustanove u državnoj svojini („Službeni glasnik općine Zavidovići“ broj 9/97 i 2/10), Općinsko vijeće Zavidovići na 25. sjednici od 28.07.2010. godine, donijelo je

ODLUKU

o davanju saglasnosti Javnoj ustanovi «Centar za kulturu» Zavidovići za adaptaciju i izdavanje u zakup poslovnog prostora

Član 1.

Općinsko vijeće Zavidovići saglasno je da Javna ustanova „Centar za kulturu“ Zavidovići izda u zakup poslovni prostor površine 15 m², a koji je dio glavnog ulaznog hola Doma kulture čija ukupna površina iznosi 170 m², prizemlje zgrade izgrađene na k.č.672/1, upisane u P.L.232 K.O. Zavidovići, kao DR SV Skupština opštine Zavidovići sa dijelom posjeda 1/1, lociran u dijelu između ulaza u WC-e i ulaza za pomoćno stubište, koji ima zaseban ulaz.

Poslovni prostor iz stava 1. ovog člana može se koristiti za obavljanje administrativnih poslova.

Član 2.

Adaptaciju poslovnog prostora iz člana 1. Prijedloga odluke izvršit će zakupac o svom trošku i to tako što će poslovni prostor fizički odvojiti montažno-demontažnim elementima.

Po prestanku zakupnog odnosa, zakupac je dužan o svom trošku poslovni prostor vratiti u prvobitno stanje.

Ulaganja izvršena po osnovu adaptacije i vraćanja u prvobitno stanje poslovnog prostora iz tačke 1. predmetne odluke, zakupac neće prebiti sa iznosom zakupnine koju je u obavezi plaćati zakupodavcu.

Član 3.

Izdavanje u zakup poslovnog prostora iz člana 2. Odluke Javna ustanova „Centar za kulturu“ vršit će putem pribavljanja pismenih ponuda.

Član 4.

Poslovni prostor iz člana 4. ove Odluke izdaje se u zakup na period do 5 (pet) godina.

Član 5.

Za poslovni prostor iz člana 2. Odluke početna cijena zakupnine po 1 m² utvrđuje se u iznosu od 5,00 KM.

- 346-

Član 6.

Prihodi ostvareni od zakupnine pripadaju Javnoj ustanovi «Centar za kulturu» Zavidovići.

Član 7.

Ovlašćuju se Upravni odbor i direktor Javne ustanove «Centar za kulturu» Zavidovići da provedu potreban postupak za izdavanje poslovnog prostora u zakup, u skladu sa Zakonom o zakupu poslovnih zgrada i prostorija («Službeni list SRBiH», broj 33/77; 2/87 i 30/90 i «Službeni list RBiH», broj 7/92; 3/93 i 13/94) i da sa najpovoljnijim ponuđačem zaključi ugovor o zakupu poslovnih prostora iz člana 2. Odluke, kojim će se utvrditi obaveze ugovornih strana.

Član 8.

Ova odluka stupa na snagu danom donošenja, a objavit će se u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-23-3490/10
Datum, 28.07.2010.godine

PREDSJEDAVAJUĆI
OPĆINSKOG VIJEĆA

ing.Radosav Petrović, s.r.

(M.P.)

BOSNA I HERCEGOVINA
FEDERACIJA BOSNE I HERCEGOVINE
ZENIČKO- DOBOJSKI KANTON
OPĆINA ZAVIDOVIĆI
- OPĆINSKO VIJEĆE -
- **ETIČKA KOMISIJA** -

Broj: 01-05-1327/'10

Datum: 10.06.2010.godine

Na osnovu člana 39. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), i člana 20.,21. i 22. Poslovnika o radu Etičke komisije («Službeni glasnik općine Zavidovići», broj 6/2007) Etička komisija u predmetu broj 01-05-1327/'10 od 22.03. 2010. godine, po prijavi Fehrić Ševala iz Zavidovića zbog kršenja odredaba Etičkog kodeksa izabranih zvaničnika općine Zavidovići, protiv Općinskog vijećnika Bošnjaković Ibrahima, u predmetu broj 01-05-1327/'10, provela je postupak provjere, te sačinila

I Z V J E Š T A J

Fehrić Ševal, dipl.ecc. iz Zavidovića, stalno nastanjen u Zavidovićima, Ulica Huseina Kapetana Gradaševića, podnio je prijavu zbog kršenja odredaba Etičkog kodeksa izbranih zvaničnika općine Zavidovići, Etičkoj komisiji, protiv Općinskog vijećnika Bošnjaković Ibrahima.

U prijavi navodi:

«Vijećnik Bošnjaković Ibrahim je dana 27.02.2010. godine na 19. sjednici javno za govornicom Općinskog vijeća Općine Zavidovići imenom i prezimenom prozvao da vršim opstrukciju na izgradnji puta Skroze-Stavci-Kovači, navodeći neistinite navode, čime je prekršio Etički kodeks izabranih zvaničnika općine Zavidovići u dijelu koji se odnosi na uzajamno poštovanje i uvažavanje tačke 10. Etičkog kodeksa koja nalaže izabranim zvaničnicima da izbjegavaju korištenje izraza koji mogu vrijeđati ili omalovažavati druge ličnosti ili grupe.»

DOKAZ: Fotokopija Prijave Etičkoj komisiji, u predmetu broj: 01-05-1327/'10

Etička Komisija na 3.sjednici održanoj dana 18.03.2010.godine, razmatrala je podnešenu Prijavu te utvrdila da je ista uredna, podnesena od ovlaštenog lica, te saslušala tonski zapis sa 19. sjednice Općinskog vijeća održane dana 27.02.2010.godine, po tački «Ad.11. - Prijedlog zaključka o prihvatanju Prijedloga projekata za uvrštavanje u Plan rekonstrukcije i izgradnje putne infrastrukture Zeničko-dobojskog kantona za 2010.godinu za općinu Zavidovići», te utvrdila da je u svom govoru vijećnik Ibrahim Bošnjaković naveo slijedeće:

«Imam i danas kod Fehrić Ševala 20 metara neriješenog puta, prekinutog. Čovjek je inteligencija – ne da 20 metara svoje zemlje. Ali mi smo našli rješenje da napravimo dozvolu 2 kilometra i sto bez njega i ovih 150 000 KM mi ćemo napraviti možda kilometar i petsto, ostati će još 600 metara neriješenog vjerovatno, načelnik kaže biće blizu, ali neću sada, ja na tom putu bdijem od '68. godine i znam dobro u marku koliko treba para.»

DOKAZ: Izvod iz zapisnika sa 19. sjednice Općinskog vijeća održane dana 27.02.2010. godine, po tački Ad.11.(govor vijećnika Ibrahima Bošnjakovića).

Nakon što je Etička komisija utvrdila da je prijava uredna, da ne postoje razlozi za izuzeće članova Komisije, dostavila je Prijavu na izjašnjenje vijećniku Ibrahimu Bošnjakoviću.

Dana 26.04. 2010. godine, na 4. sjednici Etička Komisija razmatrala je odgovor koji je dostavio vijećnik Ibrahim Bošnjaković od 24.03.2010. godine, te pismene Izjave predloženih svjedoka Mušić Hasana i Mahovac Rifata, koje je Ibrahim Bošnjaković dostavio u prilogu odgovora.

DOKAZ: Odgovor Ibrahima Bošnjakovića sa priložima.

Nakon razmatranja odgovora od strane vijećnika Ibrahima Bošnjakovića, Etička komisija je zaključila da se na narednu sjednicu pozovu Fehrić Ševal podnosilac prijave i vijećnik Ibrahim Bošnjaković, te da se saslušaju na navode prijave, odnosno izjašnjenja po prijavi.

Dana 07.05.2010. godine, Etička komisija na svojoj 5. sjednici provela je postupak saslušanja Fehrić Ševala podnosioca prijave i vijećnika Ibrahima Bošnjakovića protiv koga je prijava podnesena Etičkoj komisiji.

U toku saslušanja, usmeno na Zapisnik, Fehrić Ševal dopunjava prijavu u smislu kršenja tačke 17.i 18.-poglavlje V Etičkog kodeksa u dijelu izjave vijećnika Bošnjaković Ibrahima i to: "neka uđe u konflikt i neka uđe, što ja kažem onima sada, nećeš ti Dubravac Hasane proći preko moje parcele autobusom ukoliko ti ne budeš dao svoju parcelu. Preko moje parcele nećeš ići kući, jer sam ja dao da bi ti došao svojoj kući, a ti sad ne daš Ibrić Osmanu da dođe do tamo. Nećeš, ja ću obezbijediti pet-šest momaka, pa vidjeti ćemo kako će se završiti. Neće on preći preko te moje parcele. Dokle god ne bude dao 55 metara, to je 55 kvadrata. Kad bude dao, onda ćemo riješiti dozvolu."

Na upit Duraković Jusuf: «Smatrate li da se ova prijetnja odnosi na Vas?»,

Fehrić Ševal je odgovorio: «Indirektno da».

U nastavku sjednice, saslušan je vijećnik Ibrahim Bošnjaković, iz Zavidovića.

Nakon provedenog saslušanja Fehrić Ševala i Ibrahima Bošnjakovića, uvida u navode Prijave, Izjašnjenja vijećnika Ibrahima Bošnjakovića i pismene izjave svjedoka koje je priložio Ibrahim Bošnjaković, Etička komisija je zaključila da je:

1. Vijećnik Ibrahim Bošnjaković svojim izjavama na 19. sjednici Općinskog vijeća održane dana 27.02.2010. godine, javno za govornicom, riječima: «Imam i danas kod Fehrić Ševala 20 metara neriješenog puta, prekinutog. Čovjek je inteligencija – ne da 20 metara svoje zemlje. Ali mi smo našli rješenje da napravimo dozvolu 2 kilometra i sto bez njega i ovih 150.000 KM mi ćemo napraviti možda kilometar i petsto, ostati će još 600 metara neriješenog vjerovatno, načelnik kaže biće blizu, ali neću sada, ja na tom putu bdijem od '68. godine i znam dobro u marku koliko treba para», uvrijedio i omalovažio Fehrić Ševala, te na taj način prekršio Poglavlje IV- tačku 10. Etičkog kodeksa izabраниh zvaničnika.

2. Etička komisija nije prihvatila proširenje prijave u smislu kršenja Etičkog kodeksa izabраниh zvaničnika, na tačku 17. i 18. poglavlja V Etičkog kodeksa imajući u vidu da se ista odnosi na imenovanog, i da svoju odluku ne može zasnovati na pretpostavkama da se predmetna izjava indirektno odnosi na Fehrić Ševala.

Na osnovu člana 9. Poslovnika o radu Etičke komisije Općinskog vijeća Zavidovići, Etička komisija je jednoglasno donijela Zaključak:

- Etička komisija nakon provedenog postupka po prijavi Fehrić Ševala iz Zavidovića, podnesenoj protiv Općinskog vijećnika Bošnjaković Ibrahima, jednoglasno zaključuje da je izabrani zvaničnik Bošnjaković Ibrahim, svojim govorom na 19. sjednici Općinskog vijeća održanoj dana 27.02.2010.godine, po tački 11.dnevnog reda, koja glasi: «Prijedlog zaključka o prihvatanju Prijedloga projekata za uvrštavanje u Plan rekonstrukcije i izgradnje putne infrastrukture Zeničko-dobojskog kantona za 2010.godinu za općinu Zavidovići», prekršio odredbe Poglavlja IV - tačka 10. Etičkog kodeksa izabranih zvaničnika općine Zavidovići.

- Etička komisija preporučuje Općinskom vijeću da vijećniku Općinskog vijeća Ibrahimu Bošnjakoviću, zbog kršenja odredaba Etičkog kodeksa izabranih zvaničnika u Poglavlja IV-tačka 10., izrekne mjeru javnog ukora.

-Izvještaj o provedenom postupku Etičke komisije po prijavi Fehrić Ševala iz Zavidovića sa priložima i Zaključkom Etičke komisije sa preporukom za izricanje mjere, dostavlja se predsjedavajućem Općinskog vijeća na razmatranje i odlučivanje.

Etička komisija predlaže Općinskom vijeću da izrekne mjeru javnog ukora.

Etička komisija ukazuje općinskim vijećnicima na primjenu člana 26. stav 3. Pravilnika o radu Etičke komisije koji glasi: «U toku postupka pred Općinskim vijećem do momenta izricanja mjere, neće se navoditi imena učesnika u postupku.»

PREDSJEDNIK
ETIČKE KOMISIJE

(M.P.)

Memišević Arminka, s.r.

Na osnovu člana 25. Statuta Općine Zavidovići («Službeni glasnik općine Zavidovići», broj 05/08 i 5a/08) i poglavlja VIII, tačka 36. Etičkog kodeksa izabranih zvaničnika Općine Zavidovići («Službeni glasnik općine Zavidovići», broj 12/2008), i 26. i 27. Poslovnika o radu Etičke komisije općinskog vijeća Zavidovići («Službeni glasnik Općine Zavidovići, broj 6/2007). Općinsko vijeće Zavidovići, na 25.sjednici održanoj dana 28.07.2010. godine razmatralo je Preporuku Etičke komisije u predmetu broj 01-05-1327/10 od 22.03.2010.godine, pa nakon rasprave donesena je

O D L U K A

1. Ibrahimu Bošnjakoviću, vijećniku Općinskog vijeća Zavidovići, Općinsko vijeće Zavidovići, izriče mjeru javnog ukora.

2. Mjera iz tačke jedan ove Odluke izriče se zbog kršenja poglavlja IV - tačke 10. Etičkog kodeksa izabranih zvaničnika općine Zavidovići iz razloga što je imenovani svojim govorom uvrijedio i omalovažio podnosioca prijave.

3. Izvještaj i Odluku o izricanju mjere iz tačke 1. predmetne odluke objaviti na sjednici Općinskog vijeća, Službenom glasniku općine Zavidovići i sredstvima javnog informisanja na području općine Zavidovići.

O b r a z l o ž e n j e

Fehrić Ševal dipl.ecc, iz Zavidovića dana 19.03.2010.godine, podnio je Etičkoj komisiji, prijavu protiv Općinskog vijećnika Bošnjaković Ibrahima.

U prijavi imenovani navodi:

«Vijećnik Bošnjaković Ibrahim je dana 27.02.2010. godine na 19.sjednici javno za govornicom Općinskog vijeća Općine Zavidovići imenom i prezimenom prozvaao da vršim opstrukciju na izgradnji puta Skroze-Stavci-Kovači, navodeći neistinite navode, čime je prekršio Etički kodeks izabranih zvaničnika općine Zavidovići u dijelu koji se odnosi na uzajamno poštovanje i uvažavanje tačke 10. Etičkog kodeksa koja nalaže izabranim zvaničnicima da izbjegavaju korištenje izraza koji mogu vrijeđati ili omalovažavati druge ličnosti ili grupe.»

Etička komisija nakon provedenog postupka po prijavi Fehrić Ševala iz Zavidovića, podnesenoj protiv Općinskog vijećnika Bošnjaković Ibrahima, jednoglasno je zaključila da je izabrani zvaničnik, svojim govorom na 19. sjednici Općinskog vijeća održanoj dana 27.02.2010.godine, po tački 11.dnevnog reda, koja glasi: «Prijedlog zaključka o prihvatanju Prijedloga projekata za uvrštavanje u Plan rekonstrukcije i izgradnje putne infrastrukture Zeničko-dobojskog kantona za 2010.godinu za općinu Zavidovići», uvrijedio i omalovažio podnosioca prijave, čime je prekršio tačku 10.poglavlja IV- Etičkog kodeksa izabranih zvaničnika općine Zavidovići.

Etička komisija dostavila je Zaključak sa preporukom za izricanje mjere javnog ukora i Izvještaj o provedenom postupku Općinskom vijeću na razmatranje i odlučivanje.

Na osnovu Izvještaja o provedenom postupku i rasprave na Općinskom vijeću Zavidovići donijelo je odluku kao u dispozitivu.

Mjera javnog ukora se izvršava tako što se Izvještaj i Odluka o izricanju javnog ukora iz tačke 1. predmetne odluke objavljuje na sjednici Općinskog vijeća, „Službenom glasniku općine Zavidovići“ i sredstvima javnog informisanja na području općine Zavidovići.

POUKA O PRAVNOM LIJEKU: Protiv ove Odluke nije dopuštena žalba, ali se može pokrenuti upravni spor pred nadležnim sudom u roku od 30 dana od dana prijema Odluke.

OPĆINA ZAVIDOVIĆI
- OPĆINSKO VIJEĆE -

PREDSJEDAVALAČI
OPĆINSKOG VIJEĆA

Broj: 01-05-1327/10

Datum: 28.07.2010.godine

(M.P.)

ing. Radosav Petrović, s.r.

- 351 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-05-3492/10
Datum, 28.07.2010.godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 25.sjednici od 28.07.2010. godine, razmatralo je Izvještaj o realizaciji Programa rada Općinskog vijeća Zavidovići za period 01.01. – 30.06.2010.godine, pa nakon rasprave donijelo

ZAKLJUČAK

I

Općinsko vijeće Zavidovići usvaja Izvještaj o realizaciji Programa rada Općinskog vijeća Zavidovići za period 01.01. – 30.06.2010.godine, bez posebnih zaključaka.

II

Zaključak stupa na snagu odmah.

(M.P.)

PREDSJEDAVAJUĆI
OPĆINSKOG VIJEĆA

ing.Radosav Petrović, s.r.

- 352 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-14-3486/10

Datum, 28.07.2010.godine

Na osnovu člana 99. Poslovnika Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 25.sjednici od 28.07.2010.godine, razmatralo je Izvještaj o radu Komisije za utvrđivanje prometne vrijednosti nepokretnosti za period 01.01.2010. – 30.06.2010.godine, pa nakon rasprave donijelo

ZAKLJUČAK

1. Općinsko vijeće Zavidovići usvaja Izvještaj o radu Komisije za utvrđivanje prometne vrijednosti nepokretnosti za period 01.01.2010. – 30.06.2010.godine, bez posebnih zaključaka.

2. Zaključak stupa na snagu odmah.

PREDSJEDAVAJUĆI
OPĆINSKOG VIJEĆA

(M.P.)

ing.Radosav Petrović, s.r.

- 353 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-05-3508/10
Datum, 28.07.2010.godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 25.sjednici od 28.07.2010. godine, razmatralo je Informaciju o provođenju zaključaka Općinskog vijeća Zavidovići, pa nakon rasprave donijelo

ZAKLJUČAK

I

Općinsko vijeće Zavidovići usvaja Informaciju o provođenju zaključaka Općinskog vijeća Zavidovići, bez posebnih zaključaka.

II

Zaključak stupa na snagu odmah.

**PREDSJEDAVAJUĆI
OPĆINSKOG VIJEĆA**

(M.P.)

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-27-3542/10

Datum, 28.07.2010.godine

Na osnovu člana 73., 99. i 104. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 25.sjednici od 28.07.2010. godine, razmatralo je Informaciju o stanju puteva na području općine Zavidovići i stanju javnih parkirališta na području urbanog dijela općine Zavidovići, pa nakon rasprave donijelo

ZAKLJUČAK

I

Općinsko vijeće Zavidovići prihvata Informaciju o stanju puteva na području općine Zavidovići i stanju javnih parkirališta na području urbanog dijela općine Zavidovići, sa prijedlogom mjera:

1.) Stanje nekategorisanih cesta na području općine Zavidovići

1. U skladu sa finansijskim mogućnostima planirati veća sredstva za sanaciju i rekonstrukciju nekategorisanih cesta prilikom usvajanja Budžeta Općine Zavidovići za 2011. godinu.

Planirana sredstva bi se utrošila na:

- Modernizaciju dijela kolovoza nekategorisanih cesta,
- Otklanjanje dijela nedostataka na objektima za odvodnju,
- Sanaciju svih trenutno aktivnih klizišta (dinamika sanacije bi se uskladila sa raspoloživim sredstvima),
- Rekonstrukciju pojedinih dionica u cilju poboljšanja saobraćajnih karakteristika (povećanje radijusa krivina i korekciju prekomjernog podužnog nagiba, izgradnja mimoilaznica, povećanje pojasa predglednosti itd.),
- Rekonstrukciju i sanaciju svih oštećenih ili dotrajalih mostova (dinamika sanacije bi se uskladila sa raspoloživim sredstvima),

2. Na osnovu raspoloživih sredstava za nekategorisane ceste predviđenih Budžetom općine, uraditi plan i program sanacije i održavanje cesta za svaku godinu, te pristupiti sanaciji po prioritetima, zavisno od priliva sredstava.

3. Pristupanjem sanaciji i održavanju nekategorisanih cesta, pojačati nadzor nad zaštitom cesta kroz inspekcijski rad, rad Policijske uprave, inicijativu mjesnih zajednica, naročito na rješavanju uzurpacija kroz dodatno angažovanje imovinsko pravne službe i Općinskog pravobranilaštva.

2.) Stanje lokalnih cesta na području općine Zavidovići

1. Dugoročni plan i strategiju razvoja i održavanja lokalnih cesta, definisan u strategiji razvoja općine Zavidovići, obuhvatiti predstojećim Prostornim planom općine.

2. U skladu sa raspoloživim finansijskim sredstvima definirati dinamiku i započeti proces kompletiranja projektne dokumentacije za svaku cestu, kao sastavni dio katastra cesta, te obavezno uraditi nedostajuće saobraćajne projekte u roku od 3 godine, u skladu sa članom 76. Zakona o cestama FBiH („Službene novine FBiH“, broj 13/10).

3. Kontinuirano poduzimati aktivnosti na održavanju i postavljanju potrebne saobraćajne signalizacije (suženje ceste, pravo prvenstva, vrsta saobraćaja, mogući gabarit vozila i td, zavisno od konkretne situacije). Takođe je potrebno provoditi aktivnosti na postavljanju saobraćajnih znakova dozvoljenog opterećenja na osnovu projektne dokumentacije i konkretnog stanja mosta, uz napomenu da ovaj posao iziskuje znatne troškove, te angažovanje ovlaštenih institucija za istražne radove koji se odnose na mostove. Sredstva nastojati obezbijediti uz pomoć ZE-DO kantona.

4. Nastaviti sa redovnim kontrolama nastalih oštećenja u garantnom roku projekata «Kapitalnih ulaganja» naročito na kolovozu, te nastaviti sa urgencijama kod nadležnog Ministarstva, da se nedostaci otklone.

5. U skladu sa članom 9. Zakona o cestama FBiH („Službene novine FBiH“, broj 13/10), obnoviti prijedlog upućen Vladi ZE-DO kantona, u skladu sa zaključkom Općinskog vijeća, da sljedeće prioritetne nekategorisane ceste dobiju kategoriju lokalnih cesta: Vožuća–Brdo; Brezik–Lug; Hodžića polja–Osječani–Sljivići; Ribnica–Lađenik–Gornja Gosovica; Maoča–D.Dištica – G.Dištica; Smailbašići–Šadići–Pešice; Donji Vikovići–Donji Mustajbašići; Brezik–Donji Mustajbašići; Pašin Konak–Laz–Krivaja; Pašin Konak–Livade; Pašin Konak–Delići; Mramorje –Junuzovići; Zavidovići–Potkleče; Zavidovići–Gornji Uljići i Vrtače–Brdo–Volujak.

3.) Stanje parkirališta na području urbanog dijela općine Zavidovići

1. Općinsko vijeće Zavidovići u skladu sa diskusijom provedenom po Informaciji o stanju parkirališta na području općine Zavidovići zadužuje Općinskog načelnika sa nadležnom službom da preispita Odluku o bezbjednosti i organizaciji saobraćaja na cestama općine Zavidovići („Službeni glasnik općine Zavidovići“, broj 6/2008 i 10/2009), u dijelu Javna parkirališta i Pravilnik o postupku davanja na korištenje javnih parkirališta („Službeni glasnik općine Zavidovići“, broj 5/2010).

2. Teze za izradu izmjena i dopuna Odluke o bezbjednosti i organizaciji saobraćaja na cestama općine Zavidovići, Općinski načelnik dužan je dostaviti Općinskom vijeću u roku od 60 dana.

II

Zaključak stupa na snagu danom donošenja, a o njegovoj realizaciji staraće se Kabinet Općinskog načelnika i Služba za upravu ekonomskih poslova i poduzetništvo.

PREDSJEDAVAJUĆI
OPĆINSKOG VIJEĆA

(M.P.)

ing.Radosav Petrović, s.r.

- 356 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-23-1521/10

Datum, 28.07.2010.godine

Na osnovu člana 103. stav 4. Poslovnika o radu Općinskog vijeća Zavidovići („Službeni glasnik općine Zavidovići“, broj 12/08), Općinsko vijeće razmatralo je Inicijativu za izmjenu Odluke o javnom redu i miru podnešena od strane vijećnika Fuhada Osmića, Općinsko vijeće Zavidovići na 25. sjednici održanoj dana 28.07.2010.godine, donijelo je

ZAKLJUČAK

1. Općinsko vijeće Zavidovići ne prihvata Inicijativu za izmjenu Odluke o javnom redu i miru podnešena od strane vijećnika Fuhada Osmića.

2. Zaključak stupa na snagu danom donošenja.

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

II – AKTI OPĆINSKOG NAČELNIKA

Općina Kakanj zastupana po općinskom načelniku Mensuru Jašarspahiću-Suriju i Općina Zavidovići, zastupana po općinskom načelniku Hakiji Osmiću su 24.07.2010.godine sklopili ovaj

S P O R A Z U M**o prijateljstvu i suradnji općine Kakanj i općine Zavidovići****I**

Radi promicanja međusobnog razumijevanja i prijateljstva, te učvršćenja prijateljske suradnje i razmjene iskustava, a sve na dobrobit obaju općina, općina Kakanj i općina Zavidovići kao jedinice lokalne samouprave, ovim Sporazumom izražavaju zajedničku želju za utemeljenjem trajne međusobne suradnje na području privrede, kulture, nauke, turizma, prosvjete i sporta, te na ostalim područjima za koja se ukaže zajednički interes ili potreba.

II

Obje će općine promicati prethodno spomenutu razmjenu iskustava, te davati podršku jedna drugoj i aktivno sudjelovati u važnim manifestacijama obaju općina.

III

Suradnja na području privrede, kulture, nauke, turizma, prosvjete i sporta, te na ostalim područjima za koja se ukaže zajednički interes ili potreba, ostvarivat će se u okviru međusobne suradnje predstavničkih i izvršnih organa obaju općina i izravnim kontaktima javnih preduzeća, ustanova i organizacija čiji su osnivači općine potpisnice ovog sporazuma.

IV

Predstavnici izvršnih i predstavničkih organa obaju općina redovno će se sastajati u dogovoreno vrijeme radi pripreme programa razmjene iskustava i suradnje. Svaka će strana imenovati koordinatora odgovorne za vezu i koordinaciju prijateljske suradnje.

V

Ovaj Sporazum stupa na snagu datumom potpisa zastupnika dvaju općina, a sačinjen je u 6 istovjetnih primjeraka od kojih svaka strana zadržava po 3 primjerka za svoje potrebe.

OPĆINA ZAVIDOVIĆI
OPĆINSKI NAČELNIK

Hakija Osmić, s.r.

Broj: 02-05-3539/10
Datum, 24.07.2010.godine

OPĆINA KAKANJ
OPĆINSKI NAČELNIK

Jašarspahić Mensur – Suri, s.r.

Broj: 0-02/1-2554/10
Datum, 24.07.2010.godine

(M.P.)



S A D R Ź A J

Strana

I – AKTI OPĆINSKOG VIJEĆA

1. RJEŠENJE o razrješenju Sinanović Senada, predsjednika i člana Općinske izborne komisije	333
2. RJEŠENJE o imenovanju Muhić Šemsudina, predsjednika Općinske izborne komisije	334
3. RJEŠENJE CIK-a o davanju saglasnosti na Rješenja OV-a Zavidovići za Sinanović Senada i Muhić Šemsudina	335
4. RJEŠENJE o imenovanju Pinjić Samire, zamjenskog člana Općinske izborne komisije	336
5. RJEŠENJE CIK-a o davanju saglasnosti na Rješenje OV-a Zavidovići za Pinjić Samiru	337
6. ODLUKA o visini naknade za održavanje zajedničkih dijelova i uređaja zgrade	338
7. ODLUKA o kupovini zemljišta-nekretnine zv. „Todina bara“, K.O. Kamenica posjed Ilić Milorada, sin Nedeljka iz Zavidovića	339
8. ODLUKA o ukidanju statusa nepokretnosti u općoj upotrebi u K.O. Mustajbašići.....	340
9. ODLUKA o ustanovljenju prava služnosti u korist Avdušinović Esada sin Semiza iz Zavidovića u K.O. Zavidovići	342
10. ODLUKA o utvrđivanju javnog interesa izgradnje autobuskih stajališta za gradski saobraćaj	343
11. ODLUKA o davanju saglasnosti Javnoj ustanovi „Centar za kulturu“ Zavidovići za adaptaciju i izdavanje u zakup poslovnog prostora	345
12. IZVJEŠTAJ Etičke komisije o provedenom postupku po prijavi Fehrić Ševala iz Zavidovića	347
13. ODLUKA o izricanju mjere javnog ukora vijećniku Općinskog vijeća Zavidovići Ibrahimu Bošnjakoviću	350
14. ZAKLJUČAK OV-a o usvajanju Izvještaja o realizaciji Programa rada Općinskog vijeća Zavidovići za period 01.01.-30.06.godine	351
15. ZAKLJUČAK OV-a o usvajanju Izvještaja o radu Komisije za utvrđivanje prometne vrijednosti nepokretnosti za period 01.01.-30.06.2010.godine	352
16. ZAKLJUČAK OV-a o usvajanju Informacije o povodu zaključaka Općinskog vijeća Zavidovići	353
17. ZAKLJUČAK OV-a o prihvatanju Informacije o stanju puteva na području općine Zavidovići i stanju javnih parkirališta na području urbanog dijela općine	354
18. ZAKLJUČAK OV-a o ne prihvatanju Inicijative za izmjenu Odluke o javnom redu i miru podnešenu od strane vijećnika Fuhada Osmića	356

II – AKTI OPĆINSKOG NAČELNIKA

1. SPORAZUM o prijateljstvu i suradnji općine Kakanj i općine Zavidovići	357
--	-----

